

სახელმწიფო შესყიდვის შესახებ

ხელშეკრულება № GF-T/ET/G- 768

ქ. თბილისი

20 მარტი 2020 წ.

1. ხელშეკრულების დამდები მხარეები

ერთის მხრივ, სსიპ „ლ. საყვარელიძის სახელობის დაავადებათა კონტროლისა და საზოგადოებრივი ჯანმრთელობის ეროვნული ცენტრი“ - ს/კ №211324351 (შემდგომში „შემსყიდველი“), ცენტრის გენერალური დირექტორის მოადგილის/პროგრამების დირექტორის ირმა ხონელიძის სახით და მეორეს მხრივ, შპს „ჰუმან დიაგნოსტიკ ჯორჯია“ - ს/კ №202161640 (შემდგომში „მიმწოდებელი“), მისი დირექტორის გიორგი ხაჭაპურიძის სახით.

2. ხელშეკრულების საგანი

შემსყიდველმა, ელექტრონული ტენდერის (აუქციონის გარეშე) საშუალებით (NAT200004746) განახორციელა - აივ ინფექციის/შიდსის, ტუბერკულოზისა და მალარიის წინააღმდეგ ბრძოლის გლობალური ფონდის (The Global Fund to Fight AIDS, Tuberculosis and Malaria) დაფინანსებული „ტუბერკულოზის ყველა ფორმის ხარისხიან დიაგნოსტიკასა და მკურნალობაზე საყოველთაო ხელმისაწვდომობის მდგრადობის უზრუნველყოფა“ (გრანტი №GEO-T-NCDC) პროგრამების ფარგლებში ტუბერკულოზის ჩხირების სწრაფი იმუნოქრომატოგრაფიის საიდენტიფიკაციო ტესტ-სისტემის - TB AG MPT 64 (CPV-33600000 ფარმაცევტული პროდუქტები: CPV-33694000 - დიაგნოსტიკური საშუალებები) შესყიდვა, რაზედაც მიმწოდებელმა აიღო ვალდებულება მიაწოდოს შემსყიდველს ზემოაღნიშნული საქონელი 25 200.00 (ოცდახუთი ათას ორასი) ლარად (შემდგომში „ხელშეკრულების ფასი“).

3. შესყიდვის ობიექტის მახასიათებლები:

- 3.1. დიაგნოსტიკური საშუალებები: ტუბერკულოზის ჩხირების სწრაფი იმუნოქრომატოგრაფიის საიდენტიფიკაციო ტესტ-სისტემა TB AG MPT 64 - 180 ნაკრები.
- 3.2. შესყიდვის ობიექტის რაოდენობისა და ტექნიკური მახასიათებლების შესახებ ინფორმაცია მითითებულია ფასების ცხრილსა და ტექნიკურ დავალებაში, რომლებიც წარმოადგენენ ხელშეკრულების განუყოფელ ნაწილს.

4. ხელშეკრულების ღირებულება და დაფინანსების კატეგორია

- 4.1. მისაწოდებელი საქონლის ერთეულის ღირებულებებზე შეადგენს 140,00 ლარს.
- 4.2. ხელშეკრულების ჯამური ღირებულება შეადგენს 25 200.00 (ოცდახუთი ათას ორასი) ლარს, რომელიც მოიცავს მოქმედი კანონმდებლობით დადგენილ გადასახადებს.
- 4.3. შესყიდვის ობიექტის დაფინანსების წყაროს წარმოადგენს: აივ ინფექციის/შიდსის, ტუბერკულოზისა და მალარიის წინააღმდეგ ბრძოლის გლობალური ფონდის (The Global Fund to Fight AIDS, Tuberculosis and Malaria) დაფინანსებული „ტუბერკულოზის ყველა ფორმის ხარისხიან დიაგნოსტიკასა და მკურნალობაზე საყოველთაო ხელმისაწვდომობის მდგრადობის უზრუნველყოფა“ (გრანტი №GEO-T-NCDC) პროგრამა (საბიუჯეტო კატეგორია (HPNP - 10).

5. ხელშეკრულების შესრულების კონტროლი

- 5.1. ხელშეკრულების შესრულების კონტროლს განხორციელებს ხელშეკრულების შესრულების კონტროლის განსახორციელებლად განსაზღვრული კოორდინატორი ან სხვა საამისოდ უფლებამოსილი პირი.
- 5.2. ინსპექტირების განხორციელებასთან დაკავშირებული ყველა საჭირო საბუთის წარგდენა, ფინანსური ხარჯის და საორგანიზაციო საკითხების გადაწყვეტა ეკისრება მომწოდებელს.

6. შეფუთვა

- 6.1. მოსაწოდებელი საქონელი შეფუთული უნდა იყოს შესაბამისი ქარხნულად დადგენილი ნორმების დაცვით.
- 6.2. მიმწოდებელი პასუხისმგებელია შემსყიდველის წინაშე საქონლის ნებისმიერი სახის დაზიანების შემთხვევაში, რომელიც გამოწვეული იქნება არასწორი შეფუთვით, ტრანსპორტირების, შენახვის ან/და სხვა პირობების დარღვევით.

7. საქონლის მიწოდების ვადა და ადგილი

- 7.1. საქონლის მიწოდება უნდა განხორციელდეს ტექნიკურ დავალებაში მითითებული ვადების შესაბამისად;
- 7.2. საქონლის მიწოდება უნდა განხორციელდეს შემდეგ მისამართზე: სს „ტუბერკულოზისა და ფილტვის დაავადებათა ეროვნული ცენტრი“ - ქ. თბილისი, მარუაშვილის ქ. N50.

8. შესყიდვის ობიექტის მიღება-ჩაბარების წესი

- 8.1. მიღება-ჩაბარების წინ განხორციელდება მიწოდებული საქონლის ინსპექტირება, რომელსაც განხორციელებს ხელშეკრულების 5.1. პუნქტით განსაზღვრული უფლებამოსილი პირ(ებ)ი.
- 8.2. საქონლის მიწოდებაზე ფორმდება სამმხრივი მიღება-ჩაბარების აქტი, რომელსაც ხელს აწერენ მხარეთა მიერ სათანადოდ უფლებამოსილი წარმომადგენლები.
- 8.3. შესყიდვის ობიექტის მიღება-ჩაბარებისათვის მიმწოდებელმა, სასაქონლო ზედნადები მიწოდებული საქონლის დასახელების, რაოდენობის, ერთეულის ფასის და საერთო ღირებულების მითითებით.
- 8.4. მომწოდებელმა უნდა უზრუნველყოს შემსყიდველისათვის 8.3. პუნქტში მითითებული დოკუმენტაციის წარდგენა საქონლის მიწოდების პარალელურად. პასუხისმგებლობა შემსყიდველის მიერ აღნიშნული დოკუმენტაციის დაგვიანებით მიღების ან მიუღებლობის შედეგად წარმოქმნილი ყველა ხარჯებისათვის ეკისრება მომწოდებელს.

9. საქონლის ვარგისიანობის ვადა

- 9.1. მიწოდების მომენტისათვის საქონლის ვარგისიანობის ვადა უნდა იყოს 12 (თორმერი) თვე ან მეტი.
- 9.2. მეორე ეტაპით განსაზღვრულ ვადაზე ადრე საქონლის მიწოდების შემთხვევაში, მისაწოდებელი საქონლის ვარგისიანობის ვადა უნდა იყოს არანაკლებ 2021 წლის 31 დეკემბრის ჩათვლით.
- 9.3. იმ შემთხვევაში თუ მოწოდებულ საქონელს აღმოაჩნდება ქარხნული წუნი, მიმწოდებელი ვალდებულია უზრუნველყოს წუნდებული პროდუქციის შეცვლა შეტყობინების მიღებიდან არაუგვიანეს 30 (ოცდაათი) კალენდარული დღის განმავლობაში შემსყიდველის მხრიდან რაიმე სახის დამატებითი ხარჯების გაწევის გარეშე.

10. ანგარიშსწორება

- 10.1. ანგარიშსწორების ფორმა უნადლო ანგარიშსწორება - საქონლის მიწოდების და მიღება-ჩაბარების აქტის გაფორმებიდან არაუგვიანეს 20 (ოცი) სამუშაო დღის განმავლობაში.
- 10.2. ანგარიშსწორება ხორციელდება ფაქტობრივად მიწოდებული საქონლის შესაბამისად ეტაპობრივად ან/და ერთჯერადად.
- 10.3. ანგარიშსწორების საფუძველს წარმოადგენს: მიღება-ჩაბარების აქტი.

11. **მხარეთა უფლება-მოვალეობანი**

- 11.1. შემსყიდველი უფლებამოსილია მოითხოვოს ნივთობრივად და უფლებრივად უნაკლო საქონელი.
- 11.2. შემსყიდველი ვალდებულია უზრუნველყოს მოწოდებული საქონლის ღირებულების დროული გადარიცხვა მიმწოდებლის საბანკო ანგარიშზე;
- 11.3. მიმწოდებელი უფლებამოსილია მოსთხოვოს შემსყიდველს საქონლის ღირებულების დროული ჩარიცხვა მის საბანკო ანგარიშზე;
- 11.4. მიმწოდებელი ვალდებულია უზრუნველყოს:
- ა) ამ ხელშეკრულებით განსაზღვრული ხარისხის საქონლის მოწოდება შემსყიდველისათვის წინამდებარე ხელშეკრულების პირობების შესაბამისად;
 - ბ) საქართველოს კანონმდებლობით დადგენილი გადასახადების გადახდა და არ მოსთხოვოს შემსყიდველს სხვა არავითარი გადასახადის ან დამატებითი თანხის გადახდა;
 - გ) გაეცნოს და დაიცვას გლობალური ფონდის (დონორის მიერ პერიოდულად განახლებადი და გლობალური ფონდის ვებ. გვერდზე <http://www.theglobalfund.org/en/documents/governance/> განთავსებული) „მიმწოდებლების ქცევის კოდექსი“ და ასევე უზრუნველყოს მისი გაცნობა ქვეკონტრაქტორებისთვის (არსებობის შემთხვევაში);

12. **მხარეთა პასუხისმგებლობა ხელშეკრულების პირობების შეუსრულებლობისათვის**

- 12.1 ხელშეკრულებით ნაკისრი ვალდებულების შეუსრულებლობის ან/და არაჯეროვნად შესრულებისათვის მხარეებს ეკისრებათ პირგასამტეხლოს გადახდა.
- 12.2 ხელშეკრულებით განსაზღვრული ვადების გადაცდენის შემთხვევაში მხარეებს ეკისრებათ პირგასამტეხლოს გადახდა შეუსრულებელი (მისაწოდებელი) საქონლის ღირებულების 0,1%-ს ოდენობით, ყოველ გადაგადაცილებულ დღეზე გაანგარიშებით.
- 12.3 იმ შემთხვევაში, თუ ერთი მხარის მიერ შეუსრულებელი ვალდებულება გადააჭარბებს 30 კალენდარულ დღეს, მეორე მხარეს უფლება აქვს ცალმხრივად შეწყვიტოს ხელშეკრულება და მოითხოვოს მიყენებული ზარალის ანაზღაურება.
- 12.4. იმ შემთხვევაში, თუ მხარე ვერ უზრუნველყოფს ხელშეკრულებით ნაკისრი ვალდებულების სრულად შესრულებას, ასევე, 16.2. პუნქტით გათვალისწინებულ შემთხვევაში ხელშეკრულების შეწყვეტისას მას დაეკისრება პირგასამტეხლო ხელშეკრულების ღირებულების 3%-ს ოდენობით.
- 12.5. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.
- 12.6. მხარეები ვალდებულებას იღებენ უზრუნველყონ პირგასამტეხლოს თანხის გადახდა წერილობითი შეტყობინების მიღებიდან 30 (ოცდაათი) კალენდარული დღის განმავლობაში.

13. **ხელშეკრულების პირობების გადასინჯვა და ფასები**

- 13.1. არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა.
- 13.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია.
- 13.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 13.4. ხელშეკრულების პირობების ნებისმიერი ცვლილება ან/და დამატება უნდა გაფორმდეს წერილობით, ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

14. **ფორს-მაჟორული გარემოებები**

- 14.1. ხელშეკრულების საფუძველზე არც ერთი მხარე არ აგებს პასუხს მეორე მხარის წინაშე და თავისუფლდება პასუხისმგებლობისაგან საკუთარი ვალდებულებების შეუსრულებლობის ან არასათანადოდ (ნაწილობრივ) შესრულების გამო, თუ ამის მიზეზი გახდა საგანგებო ხასიათის მქონე გადაულახავი ძალა, რომლის წარმოშობაზე ხელშეკრულების მონაწილე მხარეები პასუხს არ აგებენ და რომლის არსებობის ან წარმოშობის შესახებ ხელშეკრულების დადების მომენტში არ შეეძლოთ სცოდნოდათ.
- 14.2. გადაულახავ ძალად ჩაითვლება შემდეგი (და არა მხოლოდ):
- ა) სტიქიური უბედურებანი (ხანძარი, წყალდიდობა, მიწისძვრა, შტორმი და სხვა);
 - ბ) გამოცხადებული ან გამოუცხადებელი ომი, სამოქალაქო არეულობა, ნებისმიერი სახის საომარი მოქმედებები, საგანგებო მდგომარეობა; გ) ეპიდემიები;
 - დ) ბლოკადა ან ნებისმიერი ეკონომიკური ემბარგო;
 - ე) ხელისუფლების ნებისმიერი ერთეულის ან ხელისუფლების მიერ საამისოდ კომპეტენტურად განსაზღვრული ორგანოს გადაწყვეტილება და ისეთი ნორმატიული აქტის გამოცემა, რომელიც ზემოქმედებს მხარეების მიერ ხელშეკრულებით ნაკისრი ვალდებულებების შესრულებაზე და ცვლის, წყვეტს ან აჩერებს ხელშეკრულების დებულებებსა და პირობებს.
- 14.3. ფორს-მაჟორული მოვლენა დადასტურებული უნდა იქნეს კომპეტენტური ორგანოს მიერ.
- 14.4. ფორს-მაჟორული მოვლენების წარმოშობის შესახებ მხარემ დაუყოვნებლივ უნდა აცნობოს მეორე მხარეს მის ხელთ არსებული საკომუნიკაციო საშუალებით (ტელეფონი, ფოსტა, ფაქსი, ელექტრონული ფოსტა, კურიერი და სხვა).
- 14.5. ფორს-მაჟორული გარემოებების არსებობა ავტომატურად არ იწვევს ხელშეკრულების გაუქმებას. მხარეები ვალდებული არიან განსაზღვრონ წინამდებარე ხელშეკრულების ფორს-მაჟორულ მოვლენებთან მისადაგების საკითხი.
- 14.6. ფორს-მაჟორული გარემოებების შეწყვეტისთანავე მხარეები დაუყოვნებლივ აგრძელებენ ხელშეკრულებით ნაკისრი ვალდებულებების შესრულებას.
- 14.7. ფორს-მაჟორული გარემოებების არსებობის პირობებში, ვალდებულებების შესრულების პერიოდი შეჩერდება იმ დროით, რა დროსაც გასტანა ასეთმა გარემოებებმა თუ მხარეთა შორის არ იქნა მიღწეული სხვაგვარი შეთანხმება.
- 14.8. მხარე არ თავისუფლდება პასუხისმგებლობიდან, თუ კი ფორს-მაჟორული მოვლენის დადგომა გამოწვეულია მისი ბრალით, ან ნაკისრ ვალდებულებათა შესრულება შესაძლებელი იყო ასეთ გარემოებათა დადგომამდეც გონივრულ ვადებში.

15. **დავები და მათი გადაწყვეტის წესი**

- 15.1. მხარეთა შორის წამოჭრილი დავა შესაძლებელია გადაწყვეტილ იქნეს ერთობლივი მოლაპარაკების საფუძველზე.
- 15.2. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.
- 15.3. თუ მხარეები ვერ შეძლებენ მოლაპარაკების საფუძველზე გადაწყვეტონ დავა, მაშინ ნებისმიერ მხარეს შეუძლია მიმართოს საქართველოს შესაბამის სასამართლოს კანონმდებლობით დადგენილი წესით.

16. **ხელშეკრულების შეწყვეტა**

- 16.1. ხელშეკრულება წყდება ხელშეკრულების ვადის გასვლით, ხელშეკრულების პირობების შესრულებით ან მხარეთა შეთანხმებით.
- 16.2. ხელშეკრულება შესაძლებელია შეწყდეს ხელშეკრულების 12.4. პუნქტით გათვალისწინებული პირობების დადგომით, ასევე იმ შემთხვევაში თუ მიმწოდებელი ვერ უზრუნველყოფს წუნის გამოსწორებას წინამდებარე ხელშეკრულების 9.2 პუნქტის შესაბამისად.

- 16.3. მხარეთა შეათანხმებით ხელშეკრულების შეწყვეტის შემთხვევაში ინიციატორი მხარე ვალდებულია მეორე მხარეს წერილობით 15 (თხუთმეტი) დღით ადრე აცნობოს აღნიშნულის თაობაზე. ხელშეკრულების შეწყვეტას უნდა გააჩნდეს ობიექტური დასაბუთება.
- 16.4. წერილობითი შეტყობინება არ ათავისუფლებს მხარეებს ხელშეკრულებით ნაკისრი ვალდებულებების შესრულებისაგან ხელშეკრულების შეწყვეტამდე.
- 16.5. ხელშეკრულება შეიძლება შეწყდეს ასევე, ამ ხელშეკრულებით გათვალისწინებულ ცალკეულ შემთხვევებში.

17. სხვა პირობები

- 17.1. მხარეები ხელმძღვანელობენ ურთიერთპატივისცემის პრინციპით და თანამშრომლობის გაღრმავების სურვილით.
- 17.2. ხელშეკრულების მხარეები ვალდებული არიან გაუფრთხილდნენ თითოეულის სახელს, საქმიან რეპუტაციას და ღირსებას.
- 17.3. მხარეები ვალდებული არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.
- 17.4. ხელშეკრულების მხარეებს არა აქვთ უფლება გააკეთონ განცხადება მეორე მხარის მიერ ხელშეკრულების ვერ ან არ შესრულების, მისი შესრულებისას დარღვევების და ა.შ. თუ წინასწარ არ მოხდა შესაბამისი საკითხის ერთობლივი შესწავლა და შესაბამისი ფაქტების დადასტურება.
- 17.5. კონფიდენციალობის დარღვევად არ ჩაითვლება შემთხვევა, როდესაც ინფორმაციის გამჟღავნება წარმოადგენს კანონის ან კანონის საფუძველზე ხელისუფლების რომელიმე ორგანოს მიერ გამოცემული აქტის მოთხოვნას.
- 17.6. ხელშეკრულება გაფორმებულია ელექტრონულად, „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად.
- 17.7. ხელშეკრულების მოქმედების ვადა განისაზღვრება 2021 წლის 31 იანვრის ჩათვლით.

18. მხარეთა რეკვიზიტები

„შემსყიდველი“

სსიპ - ლ. საყვარელიძის სახელობის დაავადებათა
კონტროლისა და საზოგადოებრივი
ჯანმრთელობის ეროვნული ცენტრი

ქ.თბილისი, კახეთის გზატკეცილი №99
ს/კ №211324351

სახელმწიფო ხაზინა

ბ/კ №TRESGE22

ა/ა №GE 24 NB 0330 1002 0016 5022



ირმა ხონელიძე

გენერალური დირექტორის მოადგილე

/ პროგრამების დირექტორი

„მიმწოდებელი“

შპს „ჰუმან დიაგნოსტიკ ჯორჯია“

მისამართი: ქ. თბილისი,

ივანე ჯავახიშვილის ქ. #51

ს/კ 202161640

ელ. ფოსტა: devdariani.marika@gmail.com

ტელ: +99532950222

სს "ბაზის ბანკი"

ბ/კ № CBASGE22

ა/ა № GE67BS0000000055236674

გიორგი ხაჭაპურიძე

დირექტორი

შპს "ჰუმან დიაგნოსტიკ ჯორჯია"

№	დასახელება	ძირითადი მახასიათებლები	მწარმოებელი კომპანია/ ქვეყანა (მოდელი/ კატალოგის №)	განზომი ლება	რაოდენ ობა	ერთ. ფასი (ლარი)	საერთო ფასი (ლარი)	მათ შორის დღგ	მიწოდების ვადა	ვარგისიანობის ვადა
1	ტუბერკულოზის ჩხირების სწრაფი იმუნოქრომატოგრაფიის საიდენტიფიკაციო ტესტ-სისტემა, TB Ag MPT64 - (1 ნაკრები-25 ტესტი)	SD BIOLINE TB Ag MPT64 Rapid Cat.No. 08FK50 სწრაფი, იმუნოქრომატოგრაფული ტესტი M.tuberculosis Complex-ის იდენტიფიცირებისთვის; ნიმუშია: მყარი ან თხევადი კულტურების (ნახველში) ექსტრაქტი; 1 ტესტი X 25/ნაკრები (ძირითადი მახ. იხ. ტექ. დავალება)	SD BIOLINE/ კორეა SD BIOLINE TB Ag MPT64 Rapid Cat.No. 08FK50	ნაკრები	180	140	25200	დღგ-ს არ ქვემდებარ ება	საქონლის მიწოდება განხორციელდება ორ ეტაპად: ა) პირველი ეტაპი - 110 ნაკრები-2020 წლის მაისში; ბ) მეორე ეტაპი - 70 ნაკრები-2020 წლის დეკემბერში. ვადაზე ადრე მიწოდების შემთხვევაში-ვადა 2021 წლის 31.12.- ის ჩათვლით.	მიწოდებიდან 12თვე ან მეტი 1-30°C-ზე
						ჯამი:	25200			

შპს "ჰუმან დიაგნოსტიკ ჯორჯიას"
დირექტორი გიორგი ხაჭაპურიძე

Human
Diagnostic
Georgia Ltd

Digitally signed by
Human Diagnostic
Georgia Ltd
Date: 2020.03.12
11:53:10 +04'00'

ტექნიკური დავალება

ტუბერკულოზის ჩხირების სწრაფი იმუნოქრომატოგრაფიის
საიდენტიფიკაციო ტესტ-სისტემა TB AG MPT 64 - 180 ნაკრები.

- ტუბერკულოზის მიკობაქტერიის იდენტიფიკაციისთვის, თხევად და მყარ
ნიადაგზე გაზრდილ კულტურებში.
- ტესტ-კასეტა;
- მგრძნობელობა - 98.60%;
- სპეციფიურობა - 100.00%;
- შედეგი - 15-20 წუთში;
- რეაქციის სრული კომპლექტი (ტესტ-კასეტა, გამხსნელი);
- ტესტ-სისტემა დაფასოებულია ქარხნული წესით;
- შეფუთვა: ნაკრებში - 25 ტესტი.
საქონლის მიწოდება განხორციელდება შემდეგ ვადებში:
- 110 ნაკრები - 2020 წლის მაისის თვე;
- 70 ნაკრები - 2020 წლის დეკემბრის თვე.

მიწოდების მომენტისთვის საქონლის ვარგისიანობის ვადა - არანაკლებ 12
(თორმეტი) თვე.

ვადაზე (2020 წლის მაისის თვე) ადრე საქონლის მიწოდების შემთხვევაში,
მისაწოდებელი საქონლის ვადა - არანაკლებ 2021 წლის 31 დეკემბრის
ჩათვლით.

შპს „ჰუმან დიაგნოსტიკ ჯორჯიას“
დირექტორი გიორგი ხაჭაპურიძე

Human
Diagnostic
Georgia Ltd

Digitally signed
by Human
Diagnostic
Georgia Ltd
Date: 2020.03.12
12:00:28 +04'00'